

骨跌綫謂織振疾也持之禽
 靡也之息齒忍標具獸
 也苗網細廉之反式嗟
 候彼柔也及歲小認上
 也反滯跟也兒也必樂上
 順軟下足音兒式過關魚
 頰字古1根完儀反口行
 頤古用皆臃也戶也標反
 1叶作1田二官俸齒下
 反蹲直膝同反裸扶也音
 腸也反全秋用搏撮
 脰時網粒也反積若上音
 也反拍其輻反子反音
 踝如為官車音童下
 反胡為官車音童下
 足石掌反心福亂擊子

菩薩本行經卷上

器八

失譯人名附東晉錄

聞如是一時佛在舍衛國祇樹給孤獨園爾
 時世尊見諸沙門身心懈怠不勤精進告阿
 難言夫懈怠者衆行之累居家懈怠則衣食
 不供產業不舉出家懈怠不能出離生死之
 苦一切衆事皆由精進而得興起在家精進

衣食豐饒居業益廣遠近稱嘆出家精進行
 道皆成欲得具足三十七品諸禪三昧道法
 之藏截生死流至泥洹岸無為安樂當勤精
 進勤修為本欲得六度無極四等四恩如來
 十力四無所畏十八不共特異之法六通三
 達成一切智欲得具足三十二相八十種好
 嚴淨國土教化衆生皆由精進而得成辦佛
 告阿難乃往過去無央數劫時有五百長者
 子設施大檀豎立大幡擊鼓宣令沙門婆羅
 門貧窮乞匄悉當惠與五百長者子各出珍
 寶象馬車乘衣被飲食各隨所乏悉皆與之

時有一貧人周行諸國至此國中見五百長者子施立大檀賑窮濟乏周救一切無所遺惜而問之言汝等布施所作功德求何等願即便答言持此功德欲求佛道爾時貧人重復問曰何謂佛道其法云何諸長者子而答之言夫佛道者過於羅漢辟支佛上三界特

尊天人之師無量大慈無極大哀普愍五道衆生之類猶如赤子教化一切悉令爲善斷絕衆生三塗之苦度生死海使至泥洹安樂之處所謂佛者諸惡永盡諸善普會無復衆垢諸欲都滅六度無極皆悉滿畢以權方便隨時教化而無有極有十神力四無所畏十

八不共奇特之法三十七品道法之藏而無有極身紫金色三十二相八十種好六通清徹無所罣礙前知無窮却觀無極現在之事靡所不知三達遐鑒顯于十句有如此德故号爲佛也諸長者子等各嘆佛無量德行悉皆如是於時貧人聞佛功德心自念言我

今亦欲學習此願度脫一切加復貧窮無有財寶當用何等而行布施意自念言當持己身而用惠施作是念已便行索蜜而用塗身卧於塚間便作願言今我以身施與一切若有須肉頭目髓腦我悉與之持是功德用求佛道廣度一切作是願已應時三千大千世

器八

二

界爲大震動諸天宮殿峽峨踊沒時諸天人騷動惶悚釋提桓因即以天眼觀閻浮提見於菩薩在於塚間以身布施即便來下而欲試之化作衆狗飛鳥走獸欲來食之於是菩薩而見衆狗諸飛鳥輩來噉其身心便歡喜無有退轉傾動之意於時天帝還復釋身而讚嘆言善哉善哉甚奇難及所作功德欲求何願天帝梵王轉輪王乎於是菩薩便起答言不求天帝轉輪王魔王梵王亦不願求三界之樂今我至意欲求佛道我既貧窮無有財寶可用布施以身惠施用求佛道廣度一切無量衆生爾時天帝釋無數諸天異口同

音讚言善哉善哉奇特難及時天帝釋便說
偈言

欲求最勝道 不惜其軀命 棄身如糞土
解了無吾我 雖用財寶施 此事不爲難
勇猛如是者 精進得佛疾
時天帝釋語菩薩言汝勇猛精進難及過踰

於此五百菩薩所施者上百千億倍不可計
倍當先在前而得作佛帝釋諸天以天香華
而散其上歡喜而去佛告阿難爾時貧人者
今我身是五百長者子今此彌勒五百菩薩
是我以精進勇猛之故超諸菩薩所作功德
而先成佛精進勤修不可不逮也菩薩布施

器八

三

如是於是阿難及諸比丘聞佛所說莫不歡
喜爲佛作禮各各精進修建道行
聞如是一時佛在舍衛國祇樹給孤獨園有
一居士財富無數所有珍寶多於王藏字摩
呵男摩爲人慳貪不敢衣食不知布施若行
出時乘朽故車結草爲蓋著弊故衣食鬱陳

穀未曾美食食便閉門時病困篤遂便喪亡
又無子息所有財寶波斯匿王盡奪收去已
身妻女不蒙其恩波斯匿王往至佛所誓首
佛足却坐常位問世尊言國有居士名摩呵
男摩爲人慳貪不肯布施不知衣食今者已
死生於何道佛告王曰墮於虛獨地獄之中

數千萬歲受衆苦痛從地獄中出當墮餓鬼
晝夜飢渴身常火然百千萬歲初不曾聞水
穀之名王聞佛說心驚毛豎悲泣哽咽不能
自勝佛告王曰夫爲智者能捨慳貪行於布
施現世獲祐後世受福昔過去世此閻浮提
有大國王名迦那迦跋彌爲人慈仁典閻浮
提八萬四千諸小國王有萬大臣二萬姝女
一萬夫人人民興盛時火星運現太史占之
當旱不雨經十二年太史白王星運變現舉
閻浮提十二年中當旱不雨若不雨者則五
穀不收人民飢餓國欲大荒當云何耶時王
聞之大用愁憂即勅羣臣告八萬四千諸小

國王盡來集會盡皆條疏人民口數又疏現穀多少斛斗不問男女豪貴貧賤大小計人并計日日與一升粟不得長食羣臣諸王皆悉受教各還本國宣令所局悉皆如是從是已後天旱不雨而不耕種無有米穀人民飢餓死者甚多羣臣曰王人民飢困死者甚多王告羣臣宣令諸國告勅人民各持十善雖復身死神得生天快樂自然諸臣受教咸各宣令人民大小皆持十善其有死者盡得生天時有一人聰明智慧端正無比見比舍家母與兒共通其人見之心便不樂意自念言雖得人身作畜生行色欲所惑子不識母母不識子顛倒上下不相分別生死之中甚大可畏即便剃頭而著袈裟詣於山澤坐禪思惟由有愚癡貪婬瞋恚致有諸行便受五道生死眾苦若無三毒則無諸行諸行已滅則不受身已無有身眾苦便滅思惟如是霍然意解諸欲求盡即時便得辟支佛道六通清

器八

四

徹無所罣礙便自思惟我今當受阿誰食耶觀閻浮提一切人民皆悉飢餓食不可得唯當往詣大王迦那迦跋彌所而乞食耳即便飛到大王宮內從王乞食王言我食齊此今日便盡王自念言今我自食會亦當死若我不食亦當死耳今得值此神人難遇我寧不食飯此快士自持食分即使用飯此辟支佛辟支佛食飯已訖意自念言今此大王所施難及當使其王盡加歡喜即於王前昇於虛空飛騰變化東踊西沒西踊東沒南踊北沒北踊南沒上方踊下方沒下方踊上方沒經行虛空或坐或卧身上出水身下出火身下出火身上出水自分一身作百作千作萬乃至無數以無數身還合為一現變已竟從空來下住於王前而語王言汝今所施實為難及欲求何願必當與王王及羣臣夫人姝女皆大歡喜頭面著地禮辟支佛足而求願言今我國土人民飢餓危困至甚命在旦夕今

器八

五

我持此最後之食施此快士持此功德除我國中飢困唯求此願時辟支佛即答王言當如所願言竟即便飛去應時四方即便雲起合於虛空便作大風吹地不淨瑕穢糞除悉令化去便雨自然百味飲食遍閻浮提復雨五穀次雨衣被次雨七寶閻浮提內八萬四千諸王臣民皆大歡喜王告勅羣臣宣令八萬四千諸王各勅所屬一切人民皆持十善時間閻浮提五穀豐盛人民歡喜行於十善慈心相向如父如母如兄如弟於時人民壽終之後盡得生天無有墮於三惡道者佛告王曰爾時迦那迦跋彌者我身是也而我爾時直以一食施辟支佛現世獲福功德如是因此功德自致成佛一切衆生諸有飢渴苦惱之者令獲道跡證安隱快樂使至無爲時諸弟子帝王臣民皆大歡喜

爾時世尊重告王曰一切衆生爲慳索所縛慳蓋所覆不知布施獲其大報不可稱量自

念曩昔過去世時此閻浮提有城名不流沙王名婆檀寧夫人字跋摩竭提時國穀貴人民飢餓加有疫病時王亦病夫人自出祠天階邊有一家夫行不在時婦產兒又無婢使產後飢虛傷無有食飢餓欲死便自念言今死垂至更無餘計唯當還自噉其兒耳而用濟命即便取刀適欲殺兒心爲悲感舉聲大哭爾時夫人欲還宮中聞此婦人悲聲慘切愴然憐傷便住聽之而此婦人適欲舉刀欲殺其子便自念言何忍噉其子肉作是念已便復涕哭夫人便入其舍就而問之何以涕哭欲作何等婦即答言無食食之加復產後身倍虛羸欲自殺兒用濟其命夫人聞之心爲悼愍語言莫殺其子我到宮中當送食來婦人答言夫人尊貴或復替遲或能忘之而我今日命在呼吸不踰時節不如自噉其子以用濟命夫人問言更得餘肉食之可不答言果得濟命不問好醜也於是夫人即便取

器八

六

刀自割其乳便自願言今我以乳持用布施濟此危厄不願作轉輪聖王天帝魔王梵王也持此功德用成無上正真之道即便持乳與此婦人適欲舉刀更割一乳應時三千大千世界為大震動諸天宮殿皆悉動搖時天帝釋天眼觀之見夫人自割其乳濟其危厄時天帝釋無數諸天即時來下住虛空中皆為悲泣淚如盛雨於時天帝住夫人前而便問言汝今所施甚為難及求何願耶夫人答言持此功德用求無上正真之道度脫一切衆生苦厄天帝答言汝求此願以何為證於是夫人即時立誓今我所施功德審諦成正覺者我乳尋當平復如故其乳尋時平復如故天帝讚言善哉善哉汝成佛不久諸天歡喜即便現形嘆夫人言汝今所施得無悔恨以為痛耶答言我無悔恨不以為痛天復答言若無悔恨以何為證於是夫人便立誓言我今所施用求佛道無悔恨者令我女身變

成男子立誓已訖應時女身變成男子時諸天神讚言善哉善哉如汝所願成佛不久王及臣民嘆其奇特歡喜無量是時國中衆病消除穀米豐賤人民安樂却後國王崩亡羣臣共議當更立王時天帝釋來下語羣臣言跋摩竭提變身化成男子加有福德應得為

器八

七

王諸臣歡喜即拜為王人民熾盛國遂興隆佛告王言爾時跋摩竭提者今我身是而我爾時不惜身命布施如是現世獲報即變其身成於男子得紹王位因是功德今得成佛普救一切菩薩行檀波羅蜜勇猛如是諸弟子國王臣民皆大歡喜為佛作禮而去

聞如是一時佛在舍衛國祇樹給孤獨園城中有一婆羅門於城外興立祠壇設飲食請諸婆羅門祠祀已訖便還入城時佛入城乞食來出道中見佛光相巍巍歡喜踊躍遠佛一币作禮而去時佛便笑光從口出遍照十方上至三十三天下至十八地獄諸畜生禽

獸諸餓鬼五道境界莫不蒙明病者皆愈牢
獄繫閉悉得放解諸天人見佛光明歡喜
無量來至佛所以若干華香供養世尊阿難
長跪前白佛言今日世尊欣笑如是願說笑
意佛告阿難見此婆羅門繞佛一币者不對
曰唯然見之

佛告阿難此婆羅門見佛歡喜清淨敬意繞
佛一币以此功德從是以後二十五劫不墮
三塗天上人中所生之處快樂無極竟二十
五劫當得辟支佛名特觀那祇梨阿難及一
切大衆聞佛所說身心清淨有得須陀洹斯
陀舍阿那舍阿羅漢者或發無上正真道若
衆會歡喜爲佛作禮右遶而去
聞如是一時佛在鬱單羅延國佛與千二百
五十沙門俱行詣村落如來色相三十有二
八十種好光明晃昱照耀天地莫不大明猶
如盛月星中特明時天盛熱無有蔭涼有一
牧羊人見佛光明心自念言如來世尊三界

之師涉冒盛熱無有蔭涼即編草作蓋用覆
佛上旋隨佛行去羊大遠放蓋擲地還趣羊
邊佛便微笑金色光從口中出數千萬岐岐
出百千萬光遍照十方上至三十三天下至
十八地獄禽獸餓鬼莫不大明三界天人見
佛光明應時皆來至於佛所一切人民及諸

器八

八

龍阿脩倫無數衆會皆大歡喜持香華妓樂
供養如來阿難長跪前白佛言佛不妄笑願
說其意佛告阿難汝今見此牧羊人不對曰
唯然見之佛告阿難此牧羊人以恭敬之心
而以草蓋用覆佛上以此功德十三劫中天
上世間生尊貴處常有自然七寶之蓋而在
其上命終之後不墮三惡道中竟十三劫出
家爲道成辟支佛名阿耨婆達一切大衆聞
佛所說或得道迹往來不還無著之證成辟
支佛或發無上正真道意者或得立不退轉
地者衆會歡喜爲佛作禮而去
聞如是一時佛在舍衛國祇樹給孤獨園佛

尊弟子名舍利弗晝夜六時常以道眼觀於
衆生應得度者輒往度之王波斯匿有一大
臣名曰師質財富無量應時得度時舍利弗
明日晨朝著衣持鉢往詣其家而從乞食於
是師質見即作禮問訊請命入坐施設牀座
飯食時舍利弗食訖澡手漱口爲說經法富

貴榮祿衆苦之本居家恩愛猶如牢獄之中
一切所有皆悉非常三界尊貴猶如幻化五
道生死轉質身形無有吾我師質聞法心意
竦然不慕榮貴不樂恩愛觀於居家猶如丘
墓便以居業一切盡以用付其弟便剃鬚髮
而著袈裟便入深山坐禪行道其婦愁愛思

器八

九

念前夫不順後夫後夫問言居家財產珍寶
甚多何所乏短常愁不樂其婦報言思念前
夫是以愁耳其夫復問汝今與我共爲夫婦
何以晝夜思念前夫婦復答言前夫失心意甚
好無比是以思念其弟見媿思念恐兄返戒
還奪其業便語賊帥雇汝五百金錢斫彼沙

門頭來賊帥受錢往到山中見彼沙門沙門
語言我唯弊衣無有財產汝何以來賊即答
言汝弟雇我使來殺汝沙門恐怖便語賊言
我新作道人又未見佛不解道法且莫殺我
我須見佛解少經法殺我不遲賊語之言今
必殺汝不得止也沙門即舉一臂而語賊言

且斫一臂留我殘命使得見佛時賊便斫一
臂持去與弟於是沙門便往見佛作禮却坐
佛爲說法汝無數劫久遠以來割奪其頭手
脚之血多於四大海水積身之骨高於須彌
涕泣之淚過於四江飲親之乳多於江海汝
從無數劫以來不但今也一切有身皆受衆
苦一切衆苦皆從習生由習恩愛有斯衆苦
癡愛已斷不習衆行不習衆行便無有身已
無有身衆苦便滅唯當思惟八正之道於是
沙門聞佛所說霍然意解即於佛前得阿羅
漢道便放身命而般涅槃賊擔其臂往持與
弟弟便持臂著於媿前語其媿言常云思念

前輩此是其臂其嫂悲泣哽咽不樂便住白
王王即推校如實不虛便殺其弟諸比丘有
疑問佛而此沙門前世之時作何惡行今見
斫臂修何德本今值世尊得阿羅漢道佛告
諸比丘乃昔過去世波羅捺國爾時有王名
婆羅達出行遊獵馳逐走獸迷失徑路不知
出處草木參天餘無方計而得來出大用恐
怖遂復前行見一辟支佛王問其言迷失徑
路從何得出軍馬人衆在於何所時辟支佛
臂有惡瘡不能舉手即便持脚示其道徑王
便瞋恚此是我民見我不起反持其脚示我
道徑王便拔刀斫斷其臂時辟支佛意自念
言王若不自悔責以往當受重罪無有出期
於是辟支佛即於王前飛昇虛空神足變現
時王見之以身投地舉聲大哭悔過自謝辟
支佛唯願來下受我懺悔時辟支佛即便來
下受其懺悔王持頭面著辟支佛足作禮自
陳唯見矜愍受我懺悔願莫使我久受苦痛

器八

十

時辟支佛便放身入於無餘涅槃王便收取
耶旬起塔華香供養常於塔前懺悔求願而
得度脫佛言爾時王者此沙門是由斫辟支
佛臂五百世中常見斫臂而死至于今日由
懺悔故不墮地獄解了智慧而得度脫成阿
羅漢道佛告諸比丘一切殃福終不朽敗諸

比丘聞佛所說莫不驚悚頭面作禮

昔佛在阿耨達池告五百阿羅漢汝等各各
自說前世宿行今得成道時諸阿羅漢承佛
教誨各各自說宿行所作功德時有阿羅漢
名婆多竭梨自說前世無央數劫時世有佛
名曰定光如來至真等正覺明行成爲善逝
世間解無上士道法御天人師有大慈哀衆
祐一切爲於衆生作大依怙興出于世教化
人天皆令成道乃取滅度分布舍利起於塔
廟法欲末時我爲貧人無餘方業窮行採薪
遙見大澤中有塔寺甚爲巍巍我時見之心
用欣然踊躍難量即便行生到其塔所瞻觀

器八

十一

形像歡喜作禮見諸狐狼飛鳥走獸在中止宿草木荆棘不淨滿中迥絕無人無人行跡無供養者而我覩見心用愴然不曉知如來威神功德之法但以歡喜誅伐草木及於掃除不淨盡去掃塔已訖一心歡喜繞之八匝又手作禮而去持此功德壽終之後得生第十五光音天上以衆名寶用爲宮殿光明晃昱於諸天中特爲巍巍不可計量盡其天壽而復百返爲轉輪聖王七寶自然典主四域復畢其壽常生國王大姓長者家財富無數顏容殊妙無有雙比人見歡喜莫不愛敬欲行之時道路自淨虛空之中雨散衆華用此恭敬生處自然一阿僧祇九十劫中迴流宛轉常生天上及與人中尊榮豪貴封受自然不墮三塗我憶此事大自雅奇今我最後福願畢滿遭值釋師三界中雄入於尊法便成沙門六通清徹無不解達諸欲永盡得成羅漢無復惱熱冷而無暖其心清淨獲於大安

若有能於佛法及與衆僧所作如毛髮之善所生之處受報弘大無有窮極自念往古所作德行報應如是者年婆多竭梨於佛前自說宿行已爲佛作禮却住一面昔佛初得道惟念衆生愚癡倒見剛強難化吾設當爲說法者誰肯信受不如取般涅槃亦無有來請佛說法者梵天知佛意欲取涅槃即與無數梵衆如人屈伸臂頃來至佛所頭面作禮遶佛三匝長跪叉手前白佛言三界衆生育其甚久大聖出現唯願世尊以大慈大悲無量大哀願受我請必受我請開演法藏施慧光明佛告梵天衆生難悟迷惑倒見吾設當爲說其經法誰肯信受吾不如早取泥洹於是梵天重復請曰三界衆生爲久在幽冥億百千劫乃有佛耳猶優曇鉢華時時乃有佛興難值唯願如來重加大哀開寤愚癡願說經法世尊往昔無數劫來放捨身命頭目髓腦肌肉骨血國城妻子施與一切

為衆生故起大弘誓當為衆生作大光明乃昔過去無央數劫時閻浮提有大國王名度闍那謝梨慈仁勇猛端正第一典主八萬四千諸國其國豐盛人民安樂爾時國王處於正殿坐自思惟夫人在世尊榮豪貴富樂自然皆由先世施行衆善修習智慧以是之故今致自然已得自然迷惑色欲不惟非常不知更招來世之福猶如畜生飽食終日無所用心夫為智者唯當修習智慧正法日新之益作是思惟已便告傍臣命請中有智慧者為吾說法我欲聞之羣臣受教遣使四出諸國命請聰明大智慧者時有一婆羅門學問廣博智慧第一來應王命羣臣白王今有婆羅門聰明博達來在門外王聞歡喜即出奉迎頭面作禮施設寶座供施甘饌食訖澡漱王語婆羅門言久聞有德故遠相屈唯願力仙為說經法答言我學以來積年勤苦大王云何直爾欲聞王語婆羅門言欲須國城珍

寶隨意所欲悉當相給答言我亦不用珍寶國城妻子象馬大王若能剋其身肉用作千燈若能爾者當為說法不能爾者經法難聞王自念言無數劫來喪身叵計未曾為法今為法故以身為燈甚為快善王大歡喜答婆羅門言如汝所勅即當奉行不敢違命婆羅

器八

十三

門言能爾者大善何時當為王復答言却後七日乃當為之王勅羣臣告下諸國大王却後七日為聞法故當於身上而然千燈諸欲來見王者皆悉集於大國羣臣受教同時遣使下八萬四千諸國大王却後七日當於身上而然千燈諸王臣民諸欲來見王者疾來馳至集於大國當是之時諸王臣民間之驚愕如喪父母哀號涕泣動閻浮提諸王臣民悉來集會王勅語傍臣於大廣博平坦之地設施座席羣臣奉命即時於廣博地設施牀座時王飯已與諸夫人二萬婁女一萬大臣導從前後王於座所王處正坐諸夫人婁女

及諸王羣臣人民皆悉同時腹拍王前同聲
白王言唯願大王大慈大悲無量大哀以我
等故莫於身上而然千燈王答謝諸王臣民
夫人姝女吾從無央數劫五道生死壞身無
數未曾為法喪身命也今為法故以身作燈
持是功德用求佛道普為十方無量衆生作

大光明除去衆生三毒癡冥吾成佛時當為
汝等施慧光明照除生死開涅槃門入安隱
法汝等莫却我無上道心時諸會者皆悉嘿
然於是大王即便持刀授與左右勅令剗身
作千燈處出其身肉深如火錢以酥油灌中
而作千燈安炷已訖語婆羅門言先說經法

然後然燈而婆羅門為王唯說一偈言

常者皆盡 高者亦墮 合會有離 生者有死
王聞偈已歡喜踊躍告諸羣臣夫人姝女皆
悉受誦即便疏偈題著諸門街陌里巷勅諸
人民皆令誦誦下閻浮提諸王臣民亦令誦
誦於是大王告婆羅門今可然燈王便立誓

今為法故以身為燈我不求作聖王上至天
帝及諸天王世界榮樂亦不求二乘之證持
是功德願求無上正真之道普為十方五道
衆生作大法光明照於衆冥爾時國王發是
願已即時三千大千世界六種震動上至首
陀會天一切宮殿皆悉震動時諸天人甚大

四

十四

惶怖是何瑞應令地大動即以天眼觀閻浮
提見於菩薩為於法故身然千燈發於弘誓
是使爾耳時諸天人皆悉來下而見菩薩身
然千燈無數諸天悲泣兩淚時天帝釋住於
王前讚言善哉善哉為於法故不惜身命欲
求何等菩薩答言我亦不求轉輪聖王天帝

魔王及梵天王色聲香味亦不求羅漢辟支
佛持是功德用求無上正真之道普為十方
無量衆生施慧光明照除衆生三毒癡冥令
離衆苦至泥洹安樂時天帝釋復問王言身
然千燈得無為痛頗而有悔耶王答天帝不
以為痛亦無悔恨天帝重問若無悔恨以何

為證於是國王便自誓言而我今日為於法
 故身然千燈持是功德用求無上正真之道
 審當成佛者千燈諸瘡即當除愈身即平復
 無有瘡癩作是語已身即平復無復瘡癩端
 正姝好過踰於前時天帝釋無數諸天國王
 羣臣夫人姝女無量臣民異口同音悉讚嘆

言善哉善哉嘆未曾有歡喜踊躍皆奉行十
 善之教佛言爾時國王者則我身是時婆羅
 門者調達是菩薩求習智慧精進如是

菩薩本行經卷上

十五

器八

無央良下反賑窮上也或忍反一音蒸字上聲財財賄也

塚知龍反峽上反可反下音我騷動上反擾蘇刀
 穀音盧藪地也輿反咽結上反憂悲反下於
 斛斗上反胡比舍上音毗長食上反剝也音仗所局上
 下其王反厭此反上於也音曩昔上反乃悼愍上反盜傷音
 是下上胡廣反編草上反織也綿竦然上反敬也勇賊帥

下所類涕體音賊擔下多反參天上所今反木長
 矜憐上居陵肌肉下上音或作音瘡癩下音刻反森反叵

菩薩本行經卷中

器九

失譯人名附東晉錄

昔佛在舍衛國祇樹給孤獨園時有賢者名
 日須達居家貧窮無有財產至信道德往至
 佛所頭面作禮誓首佛足却坐一面聽說經
 法佛問須達在家之士當行布施不布施也
 須達白佛當行布施多布施耶少布施也當
 以好意而布施耶以不好意而布施乎佛告
 須達夫於布施所施雖多而獲報少布施雖
 少而獲報多何謂施多而獲報少雖多布施
 而無至心無恭敬心不大歡喜貢高自大所
 施之人信邪倒見非是正見不得快士所施